

小学集解

一
函
三
册

小學集解卷之四

儀封張伯行輯註

內篇

稽古第四

凡四十七章立教四明倫三
一敬身九通論三

孟子道性善言必稱堯舜其言曰舜爲法
於天下可傳於後世我猶未免爲鄉人也
是則可憂也憂之如何如舜而已矣據往
行實前言述此篇使讀者有所興起也據探

猶證也小學之綱立教明倫敬身盡之矣
而復繼以稽古者所以實立教明倫

任平聲中
音仲

之事也。夫言其理而不及其事，則其言爲空言。孟子道性善，以理言也。言必稱堯舜，以事言也。言性善而必舉堯舜，以實之。故言立教，明倫敬身而必舉古之立教，明倫敬身者，以實之也。人性皆善，聖賢可學而至，在人自發憤用力耳。人能憂不如舜，則必求其所以如舜者而從事焉。舜之往行，具在也。豈有以異於人哉？舉一舜則凡自古聖賢行事，皆非甚高難行而絕人以企及者矣。故前言明其理，往行載其事，採摭往行以徵實，前言所以立教，明倫敬身者，皆前人所以爲而我不可不效而爲之者也。讀之有所興起者，性善故也。夫仁義不假外求，聖人可學而至。故朱子曰：論其至近至易，即今便可用力。論其至急至切，即今便當用力。讀是篇者，宜致思焉。

太任文王之母，摯任氏之中女也。王季娶以

言母教

嫺音身教
晉傲

爲妃太任之性端一誠莊惟德之行及其娠
文王目不視惡色耳不聽淫聲口不出敖言
生文王而明聖太任教之以一而識百卒爲

周宗君子謂太任爲能胎教

見列女傳下同

國名端正純一誠實莊敬性之美也惟德之
行行之美也言太任備此四德而見之於躬
行一皆本於自然及其妊娠文王之時邪惡
之色不經於目淫亂之聲不接於耳敖慢之
言不出於口視聽言動一出於正所以文王
之生壹稟聰明聖智之德教之一卽能識百
其後受天命以成王業遂爲周家百世不遷
之宗君子謂有聖母者必有聖子太任之能
胎教誠萬世之法也今人欲行胎教須先修
身齊家以帥其妻又以古今女範晨夕講解

少去聲

賈音古街
音炫

啖音淡徒
敢切

食音嗣
長上聲

於閨閣中使婦人聞之有所興起則
先天之氣正而生子必異尋常矣

孟軻之母其舍近墓孟子之少也嬉戲爲墓
間之事踊躍築埋孟母曰此非所以居子也
乃去舍市其嬉戲爲賈街孟母曰此非所以
居子也乃徙舍學宮之旁其嬉戲乃設俎豆
揖讓進退孟母曰此真可以居子矣遂居之
孟子幼時問東家殺豬何爲母曰欲啖汝既
而悔曰吾聞古有胎教今適有知而欺之是
教之不信乃買豬肉以食之既長就學遂成

大儒

舍居也而躍哭狀築埋葬事坐而賣曰

也此言孟母教子之善也孟子少時非不嬉戲孟母恐其漸染鄙賤之習壞其氣質故不憚屢遷擇禮讓之處而居之又自悔不當戲答恐欺其子乃買肉食之以見前言之非謬推此一事則事事常示無誑可知真能善教其子養正於蒙者也故孟子長而學於子思遂成命世亞聖之才而爲大儒使孟子幼時無慈母三遷之教觀築埋則習築埋見賈術則習賈術其不流於鄙賤者幾希人家生子非無聰明之姿忠厚之質而所習不慎耳濡目染卒流於不善者多矣孟母一婦人而能善成其子若是乃有儼然父兄而不能豫教其子弟所謂蒙養弗端長益浮靡者可勝慨哉

孔子嘗獨立鯉趨而過庭曰學詩乎對曰未

女音汝
召音邵
與平聲

也。不學詩。無以言。鯉退而學詩。他日又獨立。

鯉趨而過庭。曰。學禮乎。對曰。未也。不學禮。無

以立。鯉退而學禮。

此引聖人教子之法。以實首篇。興詩立禮之義。學詩

則事理通達。而心氣和平。故能言學禮則品節詳明。而德性堅定。故能立。夫以聖人而教其子。不能離此二者。則詩禮之益於人也大矣。故雅言惟詩書執禮。與先王四教造士同功。立教者可不法聖人。所以教子者哉。

孔子謂伯魚曰。女爲周南召南矣乎。人而不

爲周南召南。其猶正牆面而立也與。

爲猶學也。周南

召南所言皆修身齊家之事。聖人既以詩禮教子。而於詩之爲教。

最切。而爲用最大者。特

提撕告戒之蓋修身齊家人道之根本萬化從此出焉二南之化始於文王學二南者乃所以法文王也不爲二南則無以修身而齊家一物無所見一步不可行矣聖人之教子誠萬世之良法也

右立教

凡四章二章言母教二章言父

言之父教於學文修行之日故後言之首篇立教兼及乎君師此篇實立教獨引父母何也蓋爲小學而言立教之道父母爲近而切知父母之所以爲教則推之君師之教可知矣

虞舜父頑母嚚象傲克諧以孝烝烝乂不格

姦

見虞書堯典心不則德義之經曰頑口不道忠信之言曰嚚傲驕慢也諧和也烝進

也。父治也。格至也。姦惡也。言舜不幸遭此而能和以孝。使之進。進以善自治。不至於大爲姦惡也。學者讀此。當思舜爲千古第一孝子。其遭家庭之變。爲千古第一逆境。舜惟能盡子道。克諧以孝。感格親心。諭之於道。則知天下無不可感之親。無不可盡之孝。惟在積誠以通之耳。又按諧者和也。在家庭莫貴於和順之氣。父子天性兄弟天倫。雖有頑嚚傲慢一時。蔽於私欲。不愛不敬。而和氣薰蒸。自然感動。况處父母兄弟之常。而可以一毫乖戾之心。自陷於不孝乎。

號平聲

共皆恭

萬章問曰。舜往於田。號泣于旻天。何爲其號泣也。孟子曰。怨慕也。我竭力耕田。共爲子職而已矣。父母之不我愛。於我何哉。帝使其子

爲去聲

同
少去聲下

虧去聲

九男二女百官牛羊倉廩備以事舜於畎畝之中天下之士多就之者帝將胥天下而遷之焉爲不順於父母如窮人無所歸天下之士悅之人之所欲也而不足以解憂好色人之所欲妻帝之二女而不足以解憂富人之所欲富有天下而不足以解憂貴人之所欲貴爲天子而不足以解憂人悅之好色富貴無足以解憂者惟順於父母可以解憂人少則慕父母知好色則慕少艾有妻子則慕妻

子仕則慕君。不得於君則熱中。大孝終身慕

父母。五十而慕者。予於大舜見之矣。

此章見聖人惟

以順父母爲心。極天下之物。不足以移其慕也。夫人誰無父母。亦誰無愛父母之心。當其孩提。依依膝下。則愛親之念。出於本心。及其嗜好漸長。外物紛乘。而天性之真。不覺日就衰薄。舜之心。純乎理。看得父母極重。看得外物極輕。當貧賤時。雖極天下之莖苦。不足以害其事親之心。當富貴時。雖極天下之至樂。不足以奪其事親之心。故歷山耕田。呼天號泣者。此心惟慕父母也。卽九男二女。百官奉養之備。得眾心之悅。從膺帝眷之隆重。依然如窮人無所歸者。此心惟慕父母也。自少至老。境有順逆。而慕父母之心。無推移。故曰大孝終身慕父母。蓋此身有終。而慕父母之心。無終也。學者讀此。當思舜之身爲父母所生。

吾之身獨非父母所生乎。舜之慕父母終其身。惟此一心。而吾之慕父母。乃不能不移於情慾。不能不移於妻子。不能不移於功名富貴。何其與聖人之心異乎。孟子曰。大人者不失其赤子之心者也。人苟存此赤子之心。常記憶呱呱懷抱時。何嘗有嗜慾妻子功名富貴。足以分其孺慕之心。奈何漸長。漸變。而至於忘父母乎。故聖人只是不失其本心。所以能盡其性。

揚子曰。事父母自知不足者。其舜乎。不可得

而久者。事親之謂也。孝子愛曰。

揚子名雄。西漢人。見法言。

孝至篇言事親孝已至矣。而其心常若不足於孝者。惟舜爲然。且親年有限。而孝思無窮。不可得而長久者。事親之日也。故孝子愛日。惟恐親老。不得盡其孝養也。所謂古人一日

養不以三公換學者讀此可不思及時盡孝乎

潮音潮
衣去聲

莫去聲

上上聲
衣去聲

文王之爲世子朝於王季日三雞初鳴而衣服至於寢門外問內豎之御者曰今日安否何如內豎曰安文王乃喜及日中又至亦如之及莫又至亦如之其有不安節則內豎以告文王文王色憂行不能正履王季復膳然後亦復初食上必在視寒煖之節食下問所膳命膳宰曰未有原應曰諾然後退

見禮記文王世子

子篇下同國君嫡子曰世子世了朝父母惟朝夕二禮文王日三聖人之行也內豎之御

者內廷小臣值日者也既曰安否又曰何如
致其詳審之辭也不安節謂有疾不能循其
起居飲食之常節也在察也末猶勿也原猶
再也所食餘饌勿得再進也此言文王事親
之孝以實上篇固安視膳之禮也夫人子問
安視膳及日用常行之事使不小心勤篤未
有能盡其道者文王爲世子朝於王季每日
三次雞初鳴而衣服至寢門外日中夜暮皆
如之王季安則文王欣欣有喜色倘有不安
則憂形於色行不能正履憂之至也王季疾
愈飲食如常然後文王之憂始解其視膳也
每日進食之時必察視寒煖之節食畢而徹
必問其所食之多寡且命膳宰以所食之餘
不可再進應曰諾然後退其小心翼翼夙夜
不懈見於問安視膳之際者如此學者讀此
當知文王時時念念愛親敬親自然而然非
有勉強孝之至也人子幸而父母在堂則問
安視膳之禮不可有一時之或缺而愛敬之

說音脫養
去聲飯上

誠當以文
王爲法

文王有疾武王不說冠帶而養文王一飯亦

一飯文王再飯亦再飯

人子三朝之外冠帶有時而脫今爲視疾

跬步不離不敢脫之以自便也一飯再飯惟親之視不能如平日之飲食也於文王言色

憂行不能正履則武王可知於武王言不脫冠帶一飯再飯則文王可知蓋互見也學者

讀此則知武王之所以事文王者卽文王之所以事王季者也以孝繼孝周家世德之隆

如此詩曰君子有孝子孝子不匱永錫爾類天道自然如此亦可以油然而興起矣

夫音扶

孔子曰武王周公其達孝矣乎夫孝者善繼

人之志善述人之事者也踐其位行其禮奏

其樂敬其所尊愛其所親事死如事生事亡

如事存孝之至也

達孝者通天下之人稱之爲孝也惟其能盡倫盡制

有以愜乎天下之心故也事之未成則有志繼者續而成之志之已行則爲事述者循而行之論功業有功業之繼述論制作有制作之繼述善繼善述者或變通或持守總以合乎道爲善也以祀禮言之今日所踐之位卽先王之位也所行之禮所奏之樂卽先王之禮樂也以此上敬祖考敬先王之所尊也以

此下愛子孫臣庶愛先王之所親也先王雖死而事之如生先王雖亡而事之如存孝之至也惟其至孝故謂之達孝也學者讀此當知孝以善繼善述爲大武周之達孝非聖人

不足以及此須先識得此大規模存在胸中卻從問安視膳侍疾淺近處做起漸漸擴充

將去亦可到善繼善述地位豈可徒贊武周

達孝而自諉
於不能乎

行如字

勝音升奉
音捧屬音
竹

淮南子曰周公之事文王也行無專制事無
由己身若不勝衣言若不出口有奉持於文
王洞洞屬屬如將不勝如恐失之可謂能子
矣淮南子漢淮南王劉安所作書也無專制
無由己凡事必稟命而後行也持身謙退
如不勝任其衣發口謹慎似不能出諸其口
若奉持其物以進於文王誠慤專一如將不
勝其任如恐其有失墜敬之至也學者讀此
當知事親固在於盡愛尤在於盡敬夫家庭
之間以恩掩義往往有徑情直行而不顧者
親既不以苛責其子而子亦因之以慢易其
親其流之失有不可言者故子游問孝孔子
以敬親之道告之周公之敬其親乃萬世人